

Pilemonġat ekap Paulonġa kulemgum pindip.

Sâm muyage den sot mâsop den.

¹Nâ Paulo Yesu Kristogât opġâ tâk namin ândian. Nâ sot bukuniġa Timoteo, net Pilemonġ nep betnikġan memmat, gâgât ekap zi kulemgum giget. ²Oi ambân bukunikġa Apia sot kâwali anikġa Arikipo sot Yesugât kâmut Pilemonġ gâgât mirin mindume, zengât ârândânġ pet.

³Ibâniġ Anutu sot Kembu Yesu Kristo, zekâren gâbâ tânzânġozânġonġ sot um lumbe zo zengâren zimbat.

Paulo zâk Pilemonġat op Anutu mâpâseip.

⁴Nâ ninâu sâbam gâgât nânġâm Anutugâren sâiwap sâman. ⁵Gâ Kembu Yesu nânġâm pâlâtânġ kwâkġanġâm Kembugât siġi a zengâren umgâ kinmap. Oi zengât nânġâm ândimat. Nâ zorat siġi nânġâm Anutugâren sâiwap sâman. ⁶Oi nânġâm pâlâtânġâ nen sot kânok uap. Kut ġâi ġâi âlipġa Kristogâren gâbâ muyagem gâip, zo nânġâbangât ninâu sâman.

⁷Bukunâ, gâ Kembugât siġi a buku otziġâm umâlep kwatziġâmât, zorat umnâ âlip oi sâtâre patâ orâwan.

Kore a Onesimo, zâkkât den.

⁸Gâ a buku otziġâmâtkât itâ dâgobâ. Gâ kut ġâi upangât Kristogât opġâ sâbâ sâm âlip sa nânġâm upan. ⁹Ka buku orotġanġât itâ dâgobâ. Nâ Paulo, a sombâ, Yesu Kristogât op tâk namin ândian. ¹⁰Nâ katepnâ ġâi Onesimo tâk namin ta ga muyagenigip, zâkkât dâgobâ. ¹¹Mârum zâk gâ sot ândim mân bekan mem ândeip. Narâk zoren ândiândiġa mân dâp oip. Narâk ziren ko zâk Kembugât a opġâ gâgât sot nâgât ârândânġ ândei dâp uap.

¹²A zo sâġongua gâgâren gaap. Zo nâgât kâmbiamnâ, zo sâġongua gâgâren gaap. ¹³Nâ siġi âlipkât op tâk namin ta zâkġa gâ gebâkkan betnan mem ândibapkât sâwan. ¹⁴Oi gâ mân nânġâna nâ yatâ upatkât nânġa mân dâp oi mâburem gigan. Gâ gikak nânġâm nibâ sâm niban.

¹⁵Zâk birâgigi gikik mâik ñâi ândein, zo topñâ itâgât motñâi. Âburem ga gâ sot ândim zâibap. ¹⁶Zâk kore ayâk buñâ. Yesu sot pâlatâñ op buku otgibam gaap. Nâgâren yatâ op ândeip. Gâgâren ko walâmñâ otgibap. Zo itâgât sâkñandik gâgâren ândeip. Zi ko Kembugât a opñâ gâgât a bonñâ uap. ¹⁷Gâ nâgât nânğâne bugugâ oi ko zâk diina gâi nânğâna Paulo upap. ¹⁸Zâkñâ kut ñâigâ gulipkoip? Gâgât tosa ñâi zâkkâren ziap, zo nâgât sîngi sâban. ¹⁹Paulo ninak den zi kulemgum gigan. Perâkñak, Nâ hâuñâ melân gibat. Ninâ tosa gâgâren patik ziap, zorat wañgât sâbat? Gâ nâgâren a uñakñâ âsagein, zorat san. ²⁰Bukunâ, gâ Kembugât opñâ kut ñâi zo bâbâlanâk nibangât otnigap. Kristogât opñâ umâlep kwatniban.

Den murukñâ.

²¹Sât lulu a ândiat, zorat nânğâm den zi kulemgum gigan. Oi itâ nânğan. Den dâgogan, zo sot walâm târokwap tuuban.

²²Zen nâgât op ninâu sâne Kembuñâ nânğâmñâ sâi zeñgâren gâbatkât nânğan. Zorat nâgât sîngi kiañ kubikpan.

²³A bukunâ Epapara, zâk Yesu Kristogât opñâ nâ sot tâk namin ândiap. Zâk zeñgât nânğan. ²⁴Oi nep betnan mimiñ a, Mareko sot Aristako sot Dema sot Luka, zen yatik gâgât nânge.

²⁵Kembu Yesu Kristo, zâkkât tânzânğozânğon, zorân umziñan zimbap. Zo yatik.